

30/01-2017

Inatsisartut suleriusiat §37 naapertorlugu matumuuna Naalakkersuisunut apeqquutit imaattut saq-qummiuppakka.

**Apeqquutit:**

- 1. Imigassamik aalakoornartortalimmik, ikiaroornartumik aanngajaarniutinillu allanik atuivallaalersimasut pinngitsuuisinnaajunnaarsimasullu katsorsarneqartarneranni, katsorsaasut misilittagaqarluartut suut peqqutit tunngavilersuutigalugit suliassaarutsinnejarpat?**
- 2. Katsorsaavik Nuuk sooruna katsorsaanernut ingerlatsisutut kisermaassisunngortinne-qartoq?**
- 3. Imigassamik aalakoornartortalimmik, ikiaroornartumik aanngajaarniutinillu allanik atuivallaalersimasut pinngitsuuisinnaajunnaarsimasullu pillugit katsorsaasartussanik suliarinnittussarsiuinermut neqeroortitsineq ammasumik ingerlannejarpa?**
  - a. Taamaassimappallu suliarinnittussarsiuussinermi qassit neqeroorpata?**
  - b. Suut toqqammaviit atorlugit suliarinnittussamik toqqaasoqarpa?**
- 4. Katsorsaasut maannamut ingerlareersut allat suliassaarutsinnejartut? Inatsisartut aalajangiinikuupput atorluarneqassasut, taamaakkaluartoq atorunnaarsippasi, sooruna?**

(Inatsisartuni ilaasortaq Karl-Kristian kruse Siumut)

**Tunngavilersuut:**

Katsorsaanermik suliallit misilittagartuut suliassaarutsinnejarterat akueriinnarneqarsinnaanngimat, kommunit kisimik kivitsisinnaassuseqarfiginngimmata, katsorsaasartullu angalallutik inuiaqatigiinni pinngitsoorneqarsinnaanngimmata annertuumillu iluaqtaalernikuullutik inunnut aanngajaarniutinik atuivallaalersimasunut siumut inuunerup qaamasumik ingerlaqqilernissaannut.

Isumaqlarama katsorsagassarpasuit pillugit Katsorsaavik Nuuk kisimiilluni kivissinnaanngilluinnar-toq, aammalu Katsorsaavik Nuuk isumaqatigiissuteqarfigineqarnera sivituutaasimasup

qaangiunnerani nutaamik neqeroortitsisoqartussaammat. Ammasumillu ingerlatsisussaatitaanitsinni pingaaruteqarluinnarmat neqeroortitsineq tamanut saqqummiunneqassasoq pissallunilu, qassillu suliarinnittussarsiornermut neqeroorsimanersut paassisutissiissutigineqartariaqarmat, tassunga ilanggullugu itigartinneqartut suut tunngavilersuutigalugit itigartinneqarsimanersut.

Inatsisartut aalajangermata katsorsartinneq akeerutissasoq, ilanggullugu ersareqqissaartumik katsorsaasut pioreersut tamarmik atorneqassasut oqariartuutaavoq. Aammalu kommunemi sulisut ilinniartinneqarnerat ingerlaavartoq suli annertusarneqartuassasoq.

Pisut nunatsinni ersarissaqqippaat tusarsaaleqqillutillu ilaqtariit, inuillu pisariaqartitsinerat annertusiartoqqilersoq, taamaattumik katsorsaasut angalasartut misilittagartusilluareersullu atorumaneqanninnerat imaaliinnarlugu akuerineqarsinnaanngilaq.